



ГАЗЕТА 1931 ПО' АПРЕЛЬ ИРҮГ' ЮКАД ВАТА ХАСАВАЮДИМДЕЙ ЯЛЯХАД ҲАДИБЕРҶА

СИ' ИВ ЯЛЯХАНА ҲОПОЙ' СЕРТАБИВА'

Мэбета вадава" ила' панан' етри' мэква"! НЯРЪЯНА НЭРМ



№ 16 (5290)
2026 по'
апрель иры'
18 яля

СУББОТА

Российская Федерация Ямало-Ненецкий автономный округ



Поющие голоса

Сидяңг: royushiegosloa няд ханаы

Сёдо' хайнаць

3

«Няръяна Нэрм» 95 пода

«Няръяна Нэрм» ямб мюдада җока по" ямбан' нерня' миҗа. Хад, сарё, җэрм' мерця, җамгэхэрт сидта ни табламбю". Тюку си"ив яляхана соя"ма' ялямда ядабтамбаңгу. 95 поданда ханда. Теда' җаркамбой, җэвада ялмавы, ила' пяныдм' хамедамбада, серо тене-вана вэсакорха.

Ненэяри недармава" ямб. Маня", теда' манзаранаңэ, невхы иринана" мадавы недам' нёдава". Газетава" тэри танета җэдалёдадарев' минрева". Сехэрэва" тэри хайна, таб"лима" яңгу.

Едэй илаңгана луци" мутры няд"мяць газетава" я' ханярина теневадо'. Җавна пили" нерде' паднавам', толаңговам' ехэравана" мальңгана нюмлида ненэй вадавна җась. Тикада тамна латиницахана падысь, тарем' җод" падыбада" юндо' җадиберҗаць.

Ненэй ненэць' нява", тандая' ня"амвы «Няръяна Нэрм»ам' манэ"кани'. Пыдар тюку яля' тодо' җолепя" тэнзувнападтавы" газетамд толаңгун. Тикар сидя хэтыр"манана" пады. Пякуна", ненэй ненэця" нина" мале танякуй" похот юндо' җани' падыбидо'. Ихиняна" җули" сава. Лаханакон' харвабат, хусувэй си"ив яляхана толаба пирьяд". Тюку си"ивхана Ензя' тер" ваде"мы" лаханакон' хоңгун. Хобцо" харвобтаб"нанд газетар пуняд манэ"сарць пяд", таняна җэсеты" – ир ядэрта, таслаңгуд, ёльце мэкад сер" җэ"ним".

Тёняҗы Ненэй ненэцие" округхана илена" нит падвы" җани' хоңгуд, ханзер" илевамдо'

толаңгун. Илебей ненэцие" хурка җэвам', җамгэ' то"олха мэкад" җавэто' танявам' харто' падыбидо'. Сидто' нива" юрибю". Хуняна газетана" недармам' пыдо' пывандадо'.

Илаңгана" перена" пудана" юн" етри' танясеты". Тикыд нерняна җэңгу". Тохолкова', лекар" манзяя', няд"ма" нямна падвы" юн" пили" танясеты".

Невхы иле"мяна" нямна етри' паднасетыва", теда' ня"амбаданд еркана тарця юнм' җани' хоңгун.

Илна" саиркав – ты пэрма', халядава, сяхаңгарт' юрибадина" ни" җа". Тарцясипой" «Няръяна Нэрм»ар таросьяламдарха җэңгу. Таняна тодо" яха"на илена" мюсерта" нит илам' толаңгун. Ханяна мядото' мярвам', ханя' мюсерамдо', җани' тола пиртар.

Җэвахы юнхад пыдар газетамд толаба пяңгур. Сяхаринда нита поңгад сямяңхат ненадо җэсеты. Җани" тарана" юне җылнанда хаесетыда. Мэ-та си"ив яляхана сямяңхат җарка юнва", пыдар – «Няръяна Нэрм»амд ня"амбадаңэ, толабадаңэ ня"амнанд җа. Ненэй ненэцяңэ ханярина илебат җод", пыдар саць тарана манзяям' минрен – иламд' харе"



Сидяңг: Лариса Вануйто' тавы



Сидяңг: Марина Ярой' тадтавы

вадавнанд пандамбир, невхы вахалць мэ"мы небянд вадам' тамна' тяха' минрен. Газетамд пудана ваданда ёльцянд' толад". Маня" паднанаңэ е"эмняд хусувэй си"ив яляхана варева" мэ"цетыва".

Ти, тарем' тара нив". Җани' җэдалахава", җарка недар"мана" мюня ненэй ненэцяңэ нина" нёхона" ё"пю". Тад нерня' мюд-ва" танета минда. «Няръяна Нэрм»ва" җудандаңгу.

Марина Яр'
падвы



Мюсертаха" нэдалэяд"

Пудана по" нэрм' тер" серо тидхалембада" ерв" мюсертаха" тэворць пэяд". Тарем' пыдо' ненэцяңганана" нэмгэ' то"олха няд"ма" таравам' намдаван' харва". Тикы' пуд хуркари" тарана" вато, няд"ми нэдимдемби".

Тюку си"ив яляхана ервона" Ямальской, Тазовской районха' нямна нэдалэрта". Сие ниць иры' 14-15 яляхана ядэрта". Нэваханандо' Законодательной Собранияна" нэрм' пэрта Сергей Ямкин мэңгу.

Пыдо' невхы иландо' саирм' нэданаха"на нэмгэ таравам' тидпой" нянандо' лаханакурць намдаван' харва". Нэдя вымна



Сидяңг: зууапо няд ханавы

тирпато' Танам, Юрибей таңо-цянд' нултаңгудо'. Таяна по' сидя вэчна нэдэна" ненэцие" лаханако нята". Иле мядо, лекар" няд"ми, тохолкова', манзай" серо, тамна нани тарана нэвэ тензебтеңгу". Хусувэй яля' ня' нэда иңудм' намдабато' ерв" няд"маңэ сертаңгудо'.

Та' нани' округна" тиңгивна тарем' нэдалэрта". Янамбовна «дорожной карта»м' няд"махана пандамбаңгу". Пуна тамна' тяха' округна" нэвахы ерван' манэ"-лабтаңгудо'. Сян по" тяхана тарем' нэдалэро"махадандо' мале жока няд"ма" нэдимяць.

Галина Кинчина'
падвы

Едэй мядо ня"амвы"

Нюдяко" харад" няна едэй мядо нани' мимби". Ненэциедо' похо" янамбовна вэако" мякат ямдаламбидо'. Тандая' Новой Порт' хардахана илена" сава мядо ня"мавыць.

Няхар" ю" сиднет мяд' тер" тет яңорэта хардан' илелмыд". Мюняндо' нэда" сямян" нэводо' сомбоковна хамэды". Идм' ядем-дамба, нэвар пиремба мэтасавэй" мал' таяна". Поңганандо' няхар" ю" няхар" мяд' тер" ненэй ненэцие" тэнз мэ"ңа".

Џопойдо' жока ню неба. Надежда Сэрой' мат" нюм' вадавы. Нэрка не нюда хаюпи, вэсаконди' ня' хасава нюсавэйха'. Нани" нэцеқыда мал' школахана тохолку". Нэвнанда тибей харад мякана мале сяңэ илевы". Нянанда небада, нябакода няби нябаконда нэцеқы" мэвы". Тэдахав' мал' тодо" мяк"на илеңгу". Няндо' тет яля, таңго, тяхасовна сулормы мядм' ми"мы".

– Харе" мядм' ня"мава ихина ёльце сава. Пон' нэтена"махад нули" нэрка маймбабцо.

Нэмгэрина" таминда тюкон' тэваңгуна". Илева' ямбан' Новой Порт' хардахана иледм'. Тэда' мале ню"ни" ню пэрңадм'. Нюни" мяк' тованзэ мэ".

Илесь хардандо' хэвхы нани' сертавы. Машин" нулаңгава, варючи" ненэцие" танабця", нэцеқы" сянако я таяна". Нэмгэри' хадкэваңгад, видеонаблюдения' сер' ноб" сырта".

2019 поход Новой Порт' няна тибэй" мякат 153 мяд' терм' ямдалавы". Тикахад тамальңгэхэд Ямальской районхана 15 едэй мядм' мивы". Џокханда мат" юр" юкад вата сидя мяд' тер".

Невхы няби хавван харвана харад" мякат ненэцие яңга программавна ямдаламбидо'. Тикы няд"ма «Инфраструктура для жизни» проектхад пере. 2019-2025 похо"на округва" «Минстрой России» минрена падаркана нябимдейңэ миңа. Си"ив по" сер' 62 ёнаркад вата Ямал' терм' несэй мят' ямдалавы".

Нанине Яптикы' падвы

Сэр" пан хэңгадаңгу

Џодь харад" поңгана мары" нэди-во"махад сяха' салабанда хэңгадавам' мале намдава". Тадңо" Саля яв' мюня ханяңы яхана мары" сававна нэдимя".

Ямалханана" Саля явхана салаба хэңгадавам' ты" ниць ирыхына нэтедо'. Ма"-ним", Мужа харад' няна ты" ниць иры' юкад вата самляңзимдей ялэ" пиркана хэңгадаңгу. Салехард' ядхана ты" ниць иры' сидя юкад вата нябимдей яля' пиркана итя салабасяламда. Пякупур яха Тарко-Саля' няна – ты" ниць иры' 23 яля', Пур яха Уренгой' няна – ты" ниць иры' 28 яля' салабада хэңгадаңгу.

Сэро теневани" вадавна савонда ид" 10-40 сантиметр' пирувна жокамда". Тарця вадито' ненэся нэва тэдари' пунси. Тикада нумда хурка нэвахад переңгу.

Галина Окоэтто' падвы

Ты" – маня" илна" саир"

Маня" ненэй ненэцяңэ илева' невхы" иринана" ила' саирм' нэданаңэ сэвна" тэхэт сырца". Ты" нямна нэда юн" нянана" ёльце тарасеты". Тюку си"ив яляхана тарця тарана" нэвэ намдаваць.

Ма"ним", Россияханана" 1,9 миллион' пир" тэва" таяна. РАН-хана манзарана" тарем' нобт' толавыдонзэ. Тикахат тюку по' пиркана ненэця" ноб" миллион мат" юр" тэдо'. Илебця" няхар" юр" ёнар" пирңэ харва". Ты' хаберм' мэтахат сямянхат жокаңэ ненэй ненэцие вадэ"ңа". Тарцядо' 1,2 миллионңэ харва.

Округханана" ты' пэрма' нямна пудана" юн" тарця". Тэда' ты" лекар" поса' хабцяңгад яңгана ёльцевыд". Тюку по' жокаңа 213 272 тым' пардонтаванзэ

тасламби". Яханана" яңганавадо' тярмы. Тарем' харто' мюсерта" ненэця" харваць. Сыра' ты" лекар" яра иры' пудана яля-хад сие ниць иры' яля' нэсонд' манзара". Та' маңгы" иры' 15 яляхад вэба' иры' пудана яля' нэсонд' яңгана".

Тев' ёльцяңгана Тасу' яв-хана мале самляңг ю" ёнар" тым' яңгавыць. Районханандо' хасава ю" ты" лекар" бригада" манзара". Тэда' таңы' манзая-хандо' хамеку". Лекар" тыдо' яңгабавандо' хавна тамна вэидо' бруцеллез хабцям' манэ"манзэ

ханлэйдо', биркы нэбтамби", вэно" яңгаби".

Яңгавдавэй", биркасяда" ты" хабарталваха" нидо' ня"марпю". Нэдьбято' ты' пэрта" нэхакуд няркана".

Галина Кинчина' падвы



Сидяңг: Марина Ярой' тадавы"





Сёдо' хайнаць

Лимбя' иры' нюртей яляхад сёётэй" ненэцие" пирдырма миңась. Луца вадавна нюмда «Поющие голоса». Няхар" иры' ямбан' ненэй ненэця", хаби", тасу' хаби", ысма" харто' вадахато' юнета сё тэв-рамбиць, падыбиць. Сие ниць иры' юдимдей яляхана ва"лэйдо' намдаваць.

Интернет' мутравна минда конкурс 2019 поход пэяць. Тад тикы' пуд 2020 похона ыась. Самляңг по' хэ"мяхад ңани' сер-та тасладонзь. Теда' сё мэта" Енся', Республика Коми', Ямал' тераць. Ѓокханда юкад вата тет видеом' ңадаравыць: ысма" – самляңгм', хаби" – сидям', тасу' хаби" – ңопойм', ненэй ненэця" – матадм'.

Тасу' хаби" вадавна Виктор-ия Айваседо хыно"ңась. Пыда «Дарите женщинам цветы» сём' харта вадавнанда мэ"ңась. Сита нюртей ян' мэць. Хабихит Саляңгардыхы «Овас муви» сё мэта" няби Питлярхана то-



Сидяңг": pouushiegosla няд ханавы"

◆ Пэ" тер не ңуда' терм' ня"мась. Пыда репост" конкурсхана ябдавысь.

холкода Ярослав Суртахов нерня' ха"мыдаць. Ѓысмахат Валентина Коваленком', Яна Сажинам', «Горань» группам' тэраць. Мэ"мы" сёдо': «Ой, у вишневому саду», «Матушка-Земля», «Numb». Ненэй ненэ-

цяңгат Хальмер" седе"э' тер «Тэга" не"», Саттане Окоэтто, Енся' тер Вячеслав Сигуней нито' нерня' еремяць. Мэ"мы" сёдо' Виктор Яр' няби Лилия Ядне' «Луна» сё, Олег Газманов няби Татьяна Куртукова' «Озё-

ра синие» сё, «Ты носи меня река» сё. Ѓацекехэт Салемал-хана тохолкода Лар Мариям', Сёяха' няна няхаромдэй класс-хана мэни Лаптандер Ираидам', Вануйто Розалинам', Окоэтто Миленам' ненадумдаць. Варемдо' мэ"мы" мал" ңуда' тер ня"маңгу".

Сёётэй" е"эмня ңадимдембада пирдырмадо' сава таром' мин-ре: ңэрм' тер" вадидо' нерня' пэрңа", сёёта пир"мамдо' ма-нэ"лабтамби". Вада' нямна тидхалеңговэхэ"на ңани' нюр-цям', нядаңговандо' хавна те-невабцодо' ңокамдамби".

Хыноць пир"мамдо' няби сёто' ханзер" хайнавам' сёётэй не Ксения Кручинина (Айна) Эвенкия' тер манэсарьядась. Проектм' ня"амбанодо' – Елена Неркагы. Пыда Нядаңгарад' няд ңа. Серо тасламбадито' ңэвахана «Ямал - ню"на" я!» Ассоциация' ңудандана Эдуард Яунгад мэсь. Таремгав' нядаңговы ңока, мал" етя няндо' таславы серодо' тид" минрейдонзь.

Пирдырма' ялэ сававна мэ"яна"



Сидяңг": Анна Яптик' тадтавы"

Маня" «Няръяна Ѓэрм» газетахана манзаранаңэ Яр-Салян' мядоманзь хан"-ңаваць.

Ханярина похо" вымна мюсерти" ед' сава вади мэ"ңаць. Иландо' ямбан' тэхэ"на мэна, ты пэрма' манзаям' минрена ненадумдабиць. Выңгад то-вы" нито' е"эмня сямян илека ңаво ңадимдець. Хардато' поңгы" ядэлава" мюй савумдамба хуркари паской лабак ңыдавыць. Сё мэти", сэдорани", миртя", халям' няби ңамзам' ясыпади" конкурс", концерт", сянакова", тохолкова" ңаць. Сёбар" хасава", не" е"эмня пирдырма сертабиць. Хасава" ныхыдо' санар-ма, яркулава, ламбитава, ты' ңэхэна ңэдалёва, ныхыдырма сянакубцха"на хорпидонзь.

Нехэв" Яр-Салян', Новой Порт' няна па-ныта, пибита сюрберңаць. Новой Порт', Панаевск', Салемал', Еръяха' няна не" ныхыдырңаць. Еръяха' тер" не" ненэй ембдяродо' мэць нябимдей по' сер' тет юр" метра' хунат' ламбита сюрберңаць. Салемал-хана илена" ңацекы" е"эмня нюртей мэва' пирдырмам' сертаць. Тодо" хардаха"на харто' сёбардо' ма"люрңаць, нерня' ха"морңаць. Ѓудато' терңэ снегоход, еся, генератор, тамна ңани тарана ңаво ня"марпиць.

Яр-Салян' 65 сянакова' ялян' тэворо"мини тад ңадиманда газетахана падаңгун. Таням-на ядэрмани мальңгана манэ"мэми, намд-вэми ёльце ңока.

Тохолкодам' яб нёдада

Ява" лэтрамбада" ненэцие" е"эмня «Герои Ямала» тохолковам' минре". Ѓарка яна" ерв табедавы «Время героев» проект' няю' ңа. Тикы' тотрев' округна" ңудандана' ватовна сертабидо'.

Тохолковадо' нямэхэнда миңа. Маңгты" иры' ер' ңэсонд' миманда. Етя сайнорма' няд мякато' турта ненэцие" ед' ңадимдевы. Тарем' пыдо' танияд то"махадандо' едэй" серк", едэй" манзаяха" тоходана". Ненэй ненэцяңгат тар-ця тохолковахана Саляңгарад' тер Родион Пуйко няби Хальмер" Седе"э' тер Виталий Лапсуй мэ"ңаха". Нюртеюм' Законодательной Собрания' ңэвахана мэна Сергей Ямкин тидхалембида. Нябиюм' Тазовской район' ңудандана Виктор Югай тохоламбида. Пыди' сидябты варемди' мэць нерня' ңаха".

Виталий мале несэй манзаядамда ховысь. Харта хардахананда «Школа Ямолод» серм' пэрта, ңацекы" ненэцяңга"на манзарангу. «Волонтёры Победы» серм' ня"амбаңгу. Ти-

кы' нерцю' райондо' музейхана экскурсия минренаңэ тарась. Тасу' яхад ямдо' лэтрамбу-ванзь хэвы" нита иле"ми, невхы Ѓарка сайнорма ңэва' мальңгы иле"ми тохолкодаха" ваде"мысь. Тасу' я' ерво" вадавна Виталий Лапсуй" то"-олха ненэцяңг" ңацекы" инзелеңгу", сита тот-рев' ямдо' сяндадо', мэнеңгудо'.

Тамна' тяхакуна 2022 похона «Ямалспас»-хана ненэцие тосакабтёда серкад ңэдабадаңэ, нядабадаңэ тарась. Пуна сайноро"манда пуд яханда тованда мальңгана несэй манзаян' хэсь таславэдаць.

Техэ' яхана пулемётчик ңэвы. Сидя мерёле-выць. Нива пинванда няю' Суворов' няби «За отвагу» медальха' ня"мавысь. 2025 по' пэва' сер' мяканда тэвыць. Теда' «Герои Ямала» проект сита ёльце нядаби, нерня' пэрңа. Пэдава хасава' сидя ю" тет пода. Пухуцянда ня' 2025 похона соявы нюмда вадаби. Тэри мэванда танияб", таро"манзь хан"ңа, хуркари тэнз сянакубц: футбол, волейбол, дартс харвабта. Ѓэрм' тер" сянакубц' тэнз ңани' пирьяда.

ОБЪЯВЛЕНИЕ

СВОИХ НЕ БРОСАЕМ
ВСТУПАЙ В РЯДЫ РОССИЙСКОЙ АРМИИ

КОНТРАКТНАЯ СЛУЖБА
6 700 000 **4 000 000** **Р**

ПОЛНАЯ ИНФОРМАЦИЯ ПО ТЕЛЕФОНУ
8(902)816-11-90
8(34922)3-98-08
ЗВОНОК ПО РОССИИ БЕСПЛАТНО

ЕДИНОВРЕМЕННАЯ ВЫПЛАТА ЗА АМЛЕ
МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ
contract89.ru

Ямалхана СВО' няна сайнорта" ненэцие", мято' тер" е"эмня ңадимдевы" няд"ма"





1931

НАРЪЯНА ЇЭРМ

1949


НЯРЪЯНА НГЭРМ
КРАСНЫЙ СЕВЕР

1972

НЯРЪЯНА
НГЭРМ

1987

НЯРЪЯНА
ЇЭРМ



Радиом нидм намдорм'

Радиом нидм намдорм' тёрнгэ манзарана тикахад ненземзэ мань мякы радиоми ныкалгадась.

Мань радиоузелан ханигдамзэ почта начальник марцэхэн хусуркудамзэ, монтер вэнавна илевам ваденгадамзэ. Пыдо' мань мякани несэйвана радиом сертавинзэ ватораць, таремнгод тикы радиом тюку ялэ' нгэсонд тамна сертамадо' янгуу.

Н. Истомин.

95 по

Газетаха"на, журналха"на, телевидениеха"на манзарана" ненэця" нопой манзаям', паднавам' минре". Маня" округханана" Советской власть һамд"махад 1931 похона сие ниць иры' 19 яляхана ненэй вадавна «Няръяна Їэर्म» газетава" һадимьясь. Нерде' сидямбой страницадась. Тамальгана Пэсь Павлович Анагуричи, Иван Антонович Юганпелик, Елена Григорьевна Сусой паднаванэ тарачь.

Газетана" редакторнэ Иван Григорьевич Истомин таралъяць. Тэнзунанда һысма һэбта һод" ненэй вадам' һули" савовна теневавдась. Тамна стихотворения падыбись. Тикы нява" саць һарка таром' ха"аврась.

Һани нопой газетава" ня"амбавы – Иван Антонович Юганпелик. Сайноро"махаданда нява" манзаямда хуркаси" хараси" минре пядась. Нобтарем' стихотворения падыбись. Таддилад Культпросвет училищан' тохолко лабцевыць. Тохолко һэвада"махаданда Иван Антонович Тазовской районхы Нэдя хардан' һэдаравэдо. Танянанда һани' паднавы. Нюртей" падвы" стихотворенита нув" ти": «Сельсовет' ний флаг», «Нохо' сё», «Сихирти" не ню». Иван Антонович ханяри' тэвбата лаханакэ мэта ненэцянт' һули" инзеле пэрмы. Ханяһыдо' падарк" падыбавыда. Тальцюня һобт' ма"лавыда. Янға книганэ һадимьяць. Нюбедотарця": «Мань хыно"һадм'», «Нэर्म тер һацекеы», «Хар"н», «Хэд" Нардалеко». «Няръяна Їэर्म» газетахана вэсэйманда һэсонд' манзарась. Книгахана"ната, газетан' падвэхэ"ната вы' яна" илам' едэй һадимы манзаит' тэнз ваде"һась. Нэарка ненэциена" падыбись.

Нянда сехэрым' Леонид Васильевич Лапцуй нёдалһадась. Та' мальгана газетана" тамна сидя страницадась. Манэсыта савумась. Леонид Васильевич ненэй вадавна, луца вадавна паднапир"һадась. Падвыда нидо' поёць хуркари" журналха"на, газетаха"на һадиберһаць. Хусувэй падвэхэнанда невхы һарка Совет" яна", нэर्म тер" нита илам', манзарабцом', тид' сертавыго' нямна лаханась. Нэацекеы нидьясь юрыбю". Книгыта нув" ти": «Сэвтя», «Едэйко». «Инзер' толаһгобць». 1982 похона нява" янгумась.

Һани нопой паднавы ненэця"ма" – Геннадий Алексеевич Пуйко, нянда ед' минта стихотворением' падасть. Падвэхэнанда тарем' мась: «Мэ"мэр" тюрамд, мэ"мэр" паднабцямд, мэ"мэр" тынзямд теда' тю"у' миндя" нюд ня"мангудо».

Хабэча Нямбара' падвы

Манзаядо' сававна

Тюку по «Пуровской» совхозхы ненэця' сававна манзара пэйдаяць. Пыдо' нгамгэри государстан мипава планамдо' нердена кварталхы сававна томдадонзэ. Планандо' 45 центнер иры' вы нгэб' нгод' пыдо' государстан 168 центнер нгамзам ми'нгаць.

Пыдо' нгадбэято нгока нгамзам государстван ми'нгаць, манэкарт, харе' тэсавэй ненэцянт' нгока тым тэмдаць.

Совхозхы ханедам хадабада' ненэця' ханедам манзаям неранда няд сававна минре пядонзэ тиканда 72 похона сававна ханець. Кварталхы планандо' 5 ёнар' еся нгэвы нгэб', пыдо' 16 ёнар' еся мир' ханедам государстван ми'нгаць тиканда ханена' ненэця' похы планамдо' вадан томдадонзэ. Неновавна Няруй Арти, Хэно Тев Худи Лут сямьянхат нгока ханедам хадаць.

Редакторнэ тарана И. ЮГАНПЕЛИК.



САВАВНА НГУВОНГА'

Шурышкарской районхы «Горковской» совхоз Питлярской отделенияда тюку по сававна хоровито' нгумд хамэда'. По планангэ таславы нгумдо' план 150 тонн нгумзэ, теда мадавы нгумдо' нгокад 230 тонн нгум. Нгуво моторпа манзарани' понггад Сергей Иванович Чупраков бригада сававна манзарась, тикы бригада мадавы нгув нгокад 130 тонн. Сергей Иванович

Чупраков хусувэй по нгуво' мадавы бригадирнэ манзара, хусувэй хэд нгувота' планм ваць томдагыта.

Неновавна Питлярское отделение нгувота планм ваць томдагы хана нобтарем тохолкода' нгувотыкы', тад тикахад не' сиддо нгувотындадыбись.

Редактор өйнгэ тарана Л. ЛАПЦУЙ

Едэй бригадир

Ямалхана нэर्म тер" ненэциена" ты" пэрмам' мэввна ня"амбидо'. Нэ"и похо"на нэсы" ервнэ таравына" тенейна". Тэри һабцата Россия яханана" илма" мале сян' несэйма. Хуркавна һод" тына" теневана нина" етри' лэтамбидо'.


Ямалской районхана МУП «Ярсалинское» тандая' һадимы организация. Нопой ты" пэртида һахат ненэциеда. Нармыто' е"эйнэ едэй ха-сава" манзаралаһга". Хэвы пона" нюдэ пэвдей ирыхана МУП «Ярсалинское» организация' сиднетим-

дей нэсында ервотаһэ Валерий Сюзивич Сэротэпто таралъяць. Пыда теда' тю"у' миндя илангы ненэць'. Ты пэрмам' нюдэ нэбыханда теневада. Хэвхананда манзарана нидэ сита тенева".

Теда' Надымской районхы Ярудей яха' пэдара' понгана тыдо' хадоламбидо'. Ядо' сава, сырада тора, иба.

Тюку Х.Нямбара' тадтавы сидяһгана маниенара" едэй бригадир.

Х.Сэръяламдик' падвы



оригадь. Новдпор

илям шкхи' едэй манзарамана

Романович Ленинградской Коммунистической организацияхад. Зуева Татьяна Михайловна – культу-



„Ямбан' паднава“



Сидяңу: Марина Яр' тадтавы”

Эдуард Яунгад – «Ямал-но”на” я!» Ассоциация' нудандана

– Маня” ңани яхана илена” ңэ”м’ терха” тасла вадава” нерня’ минре хуркари” няд”мина” тания”. Ѓобто” – «Ня”р”яна Ѓэ”м» газетава”. Теда’ мале 95 по’ ненэй ненэцяңэ харе” падарма” толабива”. Тикым’ няд”мяць тодо” юнхат теневава”, юнета” ңэ”м’ яна” тер маниева”, невхы” иринана” ила’ нямна толаңго пир”ңава”.

Таңок по” ямбан’ газетава” ңока ненэця”м’ нядась, нерня’ тидхалесь, вадан тохолась. Тания манзарана” сяхаринда техэ паңгхандо’ вадам’ теневаана”, ненэй ненэцие” ила’ саирм’ хамедамбада” нина” ңэ”сеты”. Теда’ ңод” невхы” иринато’ вато” сер’ манзаямдо’ нёдадо’.

«Ня”р”яна Ѓэ”м»’ ңарка соя”ма’ яля’ ед’ тарем’ ма”ман’ харвадм’:

– Тад нерня’ газетава” тамна ңобкана тарем’ минрехэва”. Хусувэй пудана юн маня” падарканана” ңадиберңа. Хибяри, ненэй вадавна падна пирта нердена ңарка ненадо еңгамда «Ня”р”яна Ѓэ”м»’ редакцияхад пэр”ңамда. Вадава” ңобкана лэтрамбахава”.

1982 поход газетава” Хабэча Хываревич Яунгад ня”мадась. Тикы’ нерня Леонид Васильевич’ ня’ самбляңг по” ңобкана манзараңаханзэ. Е”эйданда хаёвы няда мале ервы сехэры’ нимня тыда харейдась.

Россия яна” ила несэйво”махад «Ня”р”яна Ѓэ”м» газетава” тамна мэбер ңась. 1990 похона ңули” харта манзарана газетаңэ хаясь. Выңгана иленя ненэцие нядаба варемда мэ”ңась. Тет страницаданда хаясь. Паднана ненэциена” компьютер, диктофон мэ”ңаць. Тикы похо”на хуркари конкурсха”на газетава” нюртей яха” ха”молыць. Паднана” ненэциеда тадтавы сидяңгадо хуркари” конкурсха” ңэдабтамбидонзэ.

Сие ниць иры’ 19 яляхана, паднани” ңарка яляхана е”эмняндо’ сейхад миндя” вади хэтыбива”. Мядото’ тер” сенз” ңэя”. Нюдо’ вадабая”!

«Ня”р”яна Ѓэ”м»’ ңэвахана мэна Марина Яр’ падвы



Сергей Харючи – «Оленеводы мира» Ассоциация’ совет’ нудандана



– Ңарка хэбидя ялямда” мэ”ңада”, 95 поданда” хая. Тикыд тэри по” вуни” ңа” – наңэдя ханзоць мэ”мы ил’ ңэ”нив”. Тюку яля’ ёльцяңд’ сертавэра”, падвэра” ңули” ңока. Ирината” вадам’ минреда”, илебей ңацеке тохоламбида”. Ямалхана илна” ханзер” мимам’ юн’ падаркана таңок” по” ямбан’ ненэцяңг” тэврамбира”. Ңамгэ’ то”олха” сава” сер” ңадиберңа” – мал” няданда” намдор”яна”. Ненэйвана илебей” ңацекеця” нямна сюрхалёда серо нерня’ ңадимдембида”. Иринато’, хаданато’ недармам’ минреб”нандо’ тикахана сехэрэда неновна тидхалты”. Пыдара” ңадимдевы” серота хавна мэванда” серода”, ненэцие” хаха” тэвравандида” тамна ңока”. Нёда” хаңгур”, етри’ паднада”, иламда” нерня’ минрера”. Илебей” ненэцяңг” тид” ңэда табекодамдо’ мэ”ңада”. Ирината” сава вади няндо’ хахато’ тэврамбадая”. Газетава” пон’ тания.

Юлия Талеева – Ня”р”яна Мар’ тер, «Ня”р”яна Вындер» газета’ паднана

– Маня” ненэй ненэцяңэ нина” сававна теневаына”. Тёняна иленаңэ интернетхана падвы” юнда” пили” толабина”. Мань ңо” пудана мале сян по” «Ня”р”яна Ѓэ”м»ан’ паднадм’. Тарем’ янда” тер” Ңарка я’ нито’ илаңгад тенева”. Пудана по” газетава” саць яңгама. Тюкона манзарана” - индо’ ядан’ илна” саирм’, вадам’ теневаана” хибяри”. Сидто’ няд”мяць ңока хибя” харто’ вадамдо’ тохоламби”, вадавнандо’ юн толаби”. Ѓоб” нерня’ ңэхэва”!

Андрей Пяк – Пуровский’ Ассоциация «Ямал-потомкам!» мандям минлена

Газетаң «Ня”р”яна Ѓэ”м» деэмня дёдимяшо маңаш: «Нешаң вата - пон тадяңаймята ңалкамана тада. Няханана, нихинана пон мунупана хома. Пон чахаты полдяхана мэна” ңайши патнавсума” дикуш. Таньяңкуй похо”ты нена” патлу”, тохолкота” ңашки” мэмаң мэт, патпёшту”, «Ня”р”яна Ѓэ”м» газетан статьи паташтума”. Таньше мэши нешана ватам лэтпётңама».



Тадтама: Андрей Пяк’ тадтамы



(Пеялада 8 стр. ңа)

Марина Ярой’ няби
Анна Яптик’ ма”лавы”



Тадана, хома патал

Нешади" дилың дюнь дян тамна кандаңа. «Няръяна Ѓэрм» кашем'дюл хампляңк по"та кадя. Нешаң ватамана җайта патал дилта дямпын нука нут матаңаш. Шитчет пуң чена «Няръяна Ѓэрм» хана петадахана дидина" нешади" ватамана җайта полоса' җычимяш. Четаң Пюл дяхана дидина" неша" кальтуң ватаманантуң тондакошту", дюлмэйтуң вачитуң вивхальшту".



Кадпюл садикхана манслана **Владимир Казымкин** җупчики хома вачи" «Няръяна Ѓэрм» де'эмня мэ'җаш: «Нешаң ватамана җайта газетама «Няръяна Ѓэрм» дельше хома. Чики паталкат нешади" дил нямна җайта дюнь намташтума", дяна чел" нешади" де'эмня җайта статьи" тонлаштума". Чики газета' нешаң ватам лэтлампюта. Четаң кашем' дюл хампляңк пота каймя юбилейхананта хома шоньшахана поздравийпим. Пон хома җэдя, пон миндената җотакота ненса җэдя».

Марина Дзюненко ле-кадҗэ манслаңа, пыта – Тальша патлу'уди нивня тада. Деты җамы новостудим танят коштума. Нешаң ватаманана пачута патал тонлапеш неньшал җэшту. Мань нинчел ватам ташта ништум каматымпю, талям нешаң ватамана пачутам җамым тонлапанай майпештут.

Кадпюлкай школа-интернатхана нешаң ватан җашки" тоходампё манслаңа **Юлия Айваседо** маньшту, пы'тоң «Няръяна Ѓэрм» пон тонлапештутуң: – Нешаң ватамана җайта газетам хашаңоҗама", тонлапештума". Тоходкота" җашки'уди" патмайтун сочиненитун «Мынико"н җайтапташту". «Няръяна Ѓэрм» нешаң ватам лэтлампюта, чуув падиля. Кальна ватаманана тондако' нешай" де'эмня җайта дюнь намташтума", шиниңкуй дилхай шеду" каматаштума". «Няръяна Ѓэрм» поздравийпешь маман ха'җат, тат нельняң пон хомана мансладя, деты формата пюльштодя, тадёмшей җалтана" җашкэхэна" вильманта мэт.



Тадкахай школа-интернатхана җашки" нешаң ватан тоходампё манслана **Ольга Докучаева** маньшту:

– Мань нешаң ватамана җайта газетам тонлапештум. Тальша патал тада. Нешаң вата культурам, дилм лэтлампюта. Җалтана җашки" шиниңкуй нидинатуң дидивсум чедимямаң мэт нешаң вата тада.

Пуровский' ассоциацин «Ямал-потомкам!» җалдя җашки" дет җайта советхат мэна **Мария Вэлло** газетаң нямна мунуш маҗаш:

– Мань нешаң ватамана җайта патал «Няръяна Ѓэрм» соцсетьмана коштум, талям тонлапештум. Җалтана җашки" нешаң ватам дюлмаң тайхана, шичина" мян неша" кальтуң ватаманантуң мунумаң, патнамаң мэт чики газета' талаңа.

Нешай дет тондюта управленин велд **Маргарита Маслова** җупчики газетам тонлапештута:

– Чуки дилхана нешаң ватам чу'ув падельш хома. Нешаң вата шиниңкуй дилм лэтлампюта. Манья" кальна ватаманана патнаштума, тондако' тохоташтума. Газетама пон хома, вильта статьята" нука җэдя».

Газетам' тонлапеши Пюл дяхана дидина" неша" шанат дяхат тулта" дюньхат конпы җэшту", дяна чел" нешади" дилм, куше мансламам намташту".

Вадның дядян майпиш"

«Вадны тоҗа – нум дюпа няң шатхалтай» – талям понантоң маньштомай". Капиди" дилхана вадны – кайвюча халаку. Шиниңкуна капиди" ванлхана чики халако' ни", җашки'уди" лэтпёта нум кэхэ' җаймай. Талям кайвюча халакуң маймаң мэты, надаң вадны дядям мэшту".

Тадкахана вадны дядям пя" поңкна «Северный очаг» нимита паркхана мэ'җатоньш. Культурархана мансланна" капиди" кайвюча дядян хомана җанатамэт. Вадның дядян томы" хынилмаң мэты вильта праздник' шедтаңаш". Кудкади" кынсу" мэ'җаш", та-

даңаш". Понантоң Җэлм' дян вадның тэйвап, капиди" мятчел" мадыштотмэт. Кайвюча халакуң тэвма дюнь дятынлаш мячидельш кэштомай". Чики дядяхана кукиты" каңулонташтомай". Дюлнуң, мел дюлликана неҗи" куй"кохо" дядяң мил то'ода пэшку" няню", сушки" җытыштомай". Тай"ня җашки'уде" майпё пя" помна пэшку няньтатуң пюльштомай". «Кимья нука нянь җомтаңа - чике дилта, вяпта пон хома җайты», талям шиниңкуна җалка неша" маньштомай". Җашки" кукинтун ноңк' җаймам, мэмямам конулпеш мянадыштомай", вадның пичат шедташтомай" – талям шана'коштомай". Вадны җайта"

дютамаң мэты, җалка пуша" нитун җупухут посами" куйкуң пахант камташтомай". Четаң Тадкахана мэ'мытуң вадның дядяхана җупчики җашки'уде" кудкади" шана'кохона" шана'куш", мянадыш". Сувениру" шедтапиш", мастер-классхана тоходкуш". Капиди" шед кайвюча халакуң дядяхана куйкон дяднасай видя'уди шалҗаш". Чикиң камна вадның мидас шедтапё мянадыш" мячисыңэ диплому" ня'амҗаш". Вадны дядян томы" неша" дельше хомана ныштакуш". Капиди" дилхана тальша, кимья нельче'эй Җэлм' дян тэвмы вадным маньҗа, чике пуң дямпхана вяпта хома җайты.





Яйрана не, Пасрана не

(Нердена пеляда 9, 10, 11, 12, 13, 14, 15 номеркана ѓа)

Тюку ямидхы лаханако Таймыр' няна Усть-Енисейской район' няна илена ненэцяҥгад намдавы. Вадандо' хэтыр" хаця яҥга. Толаҥгобта", инзеленарахада" нэҥгуда". Вадидо' лаханавандо' сер' падвы".

Сидя сив яля ямбан мыҥгду мялэрҥа". Чаханыҥы хэвхана хабэй ненэча" ванда ты" толха".

Нюдя Тасиний манма:

– Ѓэпт Ямп папа, мюдар хос"! Мяд" ҥадиню". Маня" хавндава" нива" ҥа". Мал хадаҥгуна". Тован харвана ненэчант таяб", нёр хае"! Тоява.

Нябани' ня хаяни', тэвыни'.

Яйрана Не, Пасрана Не нердани то, манма:

– Евансадаков, товэнаню". Амгэм пэртава"? Ямдаҥгуна"?

Мань тарем мадм:

– Сидда" ямдалавнчы тони'.

Вавни чер тэваба пядм. Яйрана Не, Пасрана Не вавнда чер сидя пирипчанта нячы тэваба пя. Ѓарка Тасиний чикана мэвы, сэврида мэмы. Ты тана". Яйрана Не, Пасрана Не мюдамта харета пуйдада. Мань ҥопчикы харени пуйдав.

Мань тарем мадм:

– Манчыван тыни мюдхани сярын. Вата ты" вад мюд хэяма.

– Меяков, нюдя Тасиний хамамы ҥэбнанта? Вададами нивы ҥэдара"? Мань тован харвадм.

Мань мадм:

– Нюдя Тасиний мась: «Тован харвана таяб", нёр хае"».

Манма:

– Тарем мамы ҥэбнанта, тутадм.

Тэдми сярҥгудм.

Тэдамта сяр.

Ямдэйна". Мякна" тэвына", мюдна" ҥэдава". Мят чува". Нябами едм пире, хорм чуле. Яйрана Нем, Пасрана Нем хэвханта

ҥаптада. Мань ҥод" чикана ҥамдыдм.

Нябами Яйрана Нен, Пасрана Нен манма:

– Сеня" мядиҥавачь. Пыдар мядимадавэн. Чеда сит мядолаптам-бидм.

Пон мэсавам, хэв мэсавам – нивакэв хамида". Саюдармы нина" мал то".

Ѓарка неками нём чадалҥа, манма:

– Пыдхавара" мяди-мэраню". Ѓарка Тасиний нямда" пэтавнчы табидасара"? Хабиҥэ тосав? Хоҥара"!



Ѓарка Тасиний сянхав мяд нё хэван пя ҥонаптавы.

Нябами манма:

– Пэтавнчы нивачь табида". Харена" мядиҥава", нява" юрвэва".

Ѓарка Тасиний хоҥав, ҥудананта тэврав. Вэсаку мядинчы ҥамды".

Хасевна" ма" ним:

– Саю мал хадэйна", хэняду юҥгу. Понхарт ниначы пэр".

Яйрана Нер, Пасрана Нер тандая ябелтакы", хынолы":

– Сидя мяҥк, сидя Ѓэпт Ямп, ийри' Тасиний выни ҥа". Чикар мань нями. Ѓарка Тасиний харта нямта хададась. Няда мань няни ня ҥоптолхаханчы. Мань нями иле хаись. Нини мал хадэйдунчы. Нями ҥули" сяҥавась. Тасиний" харету няханту ма" нисям: «Нент нямта хадад! Пуна няна" саюдарчы чебҥгу». Мань нями ҥули" сяҥав. Ѓарка Тасиний няда мань няни ня ҥоптолхаха' ҥэсьтыхи'. Сокадамчи' сэдсытыдм. Мань нями сямани нид Ѓарка Тасиний харта нямта хада" нив. Сими няман харванакы. Ѓарка Тасиний пин тарпычы, ма" нисям: «Манчытыданю": пухучант ням хада"! Чеда хадав".

Мядиҥава".

Яйрана Не, Пасрана Не ҥани вахалй":

– Пыдхавара" недя" юҥгуню". Маня" пирипчина" ҥока". Малҥэ мэсь пиртада". Тая хэхэва"! Недаду таслангува". Мюдду хаёвы", тыду тая". Тыду хочь тара.

Тая хаява". Тасиний" нюдя пирипчамту нюдя Ѓэпт Ямбан миҥаду, ҥарка пирипчамту Неркыхы мэда. Ламдо" ним неле", Яптонэ" ним неле". Мал сидя недамту мэ". Пирипча" мал сядотаку", мал саво".

Яйрана Не, Пасрана Не таяна табикурҥа:

– Нюдя Ламдо, хэпсун. Нюдя Яптонэ ҥод" хэпсун. Неркыхы, хэпсун. Нета" емня мюд" тара" ним, ты" тара" ним. Хабида" тэсипой нёйда" хае"!

Хапт мяк" тана", мядоду ямдала". Няна" ҥысы". ҥули" ҥока ты тана". Нечу ты чарьяду. Хаби малҥэ тэсавэй хаейду. Чи, чикан илелгыана".

«Ненецкий фольклор»

толаҥгобць' мюд ханавы.

1976 похона

Таймыр' няна Тухард' тер,

Ямкина Мария Николаевна'

ваде"мы, няданда

К.И. Лабанаускас' падвы



1931 NARJANA ĆЭРМ

1949 НЯРЪЯНА НГЭРМ
КРАСНЫЙ СЕВЕР1972 НЯРЪЯНА
НГЭРМ1987 НЯРЪЯНА
ЃЭРМ1991 НЯРЪЯНА
ЃЭРМ1997 НЯРЪЯНА
ЃЭРМ2012 НЯРЪЯНА
ЃЭРМ2020 НЯРЪЯНА
ЃЭРМ

95 по" ямбан' паднава"

(Нердена пеляда 4-5 стр. џа)



Сидянт: Марина Яр' таттавы

Роман Яндо – Новый Уренгой' музейхана манзарана

– Газетава" округна" ня' џоб" џарсаха'. Манэ" мэда, намдвэда џока. Пудана по" газетава" янґама, хусувэй џамгэм' тола, хось пирџава". Ханярина илена ненэць' нянанда таранам' хоңгу. Хой' тер" – џани яхана илена" ты пэртя" илевам' толаңгу", илебей ненэць' – ехэрана вадамда хоңгу, лаханаку харвабтана" - ярабцм' толаңгу"...

Манзаяра" тамна тарем' нерня минрера", хибяхарт сидта" нёя" таблабю", џамгэхэртм' нёда" пилос", маня" сидта" толабива".

Раиса Яптунэ – Дудинка' тер, книги падыбада



– Маня" Ензя' няна самляңг џэрм' терва". Ёоб-картава" тарця сава падарта яңгу. Яхананда" газетара" толабира", ихиня тарця падарта" таява џули" сава. Маня" џод" нянда" паднава", юн џэдарамбива". Ёадбьята" тамна нерня' џада", тикы яханда" нёда" табаңг", ёльце тарана серм' минреда". Пыдара" яля' няңы серм' пэрњада", сидта" няд"мяць ненэй ненэця" падна, толаңго пирњадо".

Любовь Суздальцева – нешаңџэ ватама, дидивсома лэтдампота

ЦНКхана манслана Любовь Суздальцева маньшту, пы'тоң «Няръяна Ѓэрм» газетам' тондапёштутуң", выңкна дилдина" нешаңк мичилпёштутуң": «Мань ви-хиянй тальша патад тада. Нешаң ватамана тондакопнай дюлмэй вачей вивхальштут, четаң калтыхина диле ниня мэчина" вачина" коштут. Дёльше хома, тондакомахатай нука вачи" нешаң ватамана чедимяштут. «Няръяна Ѓэрм» патмэмна шедтамы, тат'ма" шат" маньтаңан, тайня минхант тонданаңал».



Таттама: Андрей Пяке' таттамы

Виталий Лаптандер – Яр-Саля' вымна мюсерта ненэць'

– Ненэй вадавна џэда газетана" таява сава нив џа". Маня" выңгана иленаңэ сяхаринда џамгэ" юне" таявахад тенева пэрњава". Ханяңэхэ"на малко"махадани мякани тосетыдм'. Сяй' ед' пинван' пэңа' џылад юн' падарм' тюхулцетыдм'. Ёамгэ' пирт' толаңго"махадани пёдабцоми тэри хэсеты. Тикахад харе" вадавна џэда газета хусувэхэт хомбада вуни џа". Хой' няд хардан' тоб"нана" тарана" падрона" сертаңгува", џаврадва" тэмдаңгува" – мякана" хандава". «Няръяна Ѓэрмам'» мя"ни тер" ня' толабасетыва". Теда' џарка соя"ма' ялянда" ед' сейхад џэда вад мэ"џава": «Пэрта серта" мэввна ня"амбира", нерняри' минрера". Варемда" мэць паднада", невхы иле"ми, лаханаку, ярабц ма"ламбида". Ханярина џэбта џод" падаркана толабаб", илека" џэңгу". Ямал' тер" юне тэволана" сенз" џэя". Манзаяра" хайна миңая. Хусувэй яханана" илена ненэцяңгад сава няндерм' намдорњада"».



Сидянт: Анна Яптик' таттавы

Геннадий Кельчин – хаби" вадавна џэда «Лух Авт» газета' џэвахана мэвы



– Сидя по' «Няръяна Ѓэрм» газетахана манзарадамзь. 1990 няби 1992 похо"на хаби" вадавна юне тэволанаңэ тарадамзь. Тамальүгана манзара"мини тенейн. Ёпопйри падар" лабасм' мер' сертасетыв. Округ' тиңгывна џэда юн падыбиваць, марк", нюдяко" хардаха" тэворњаваць. Ёавна ёльце савась. Ненэця" халям' хадабиць, ты' џамзам', ханесэй" хоба мипиць. Юне планодо' тид" томдавы" нина" нямна џокавна падыбасетыва". Теда' илма" невхэхэданда несэйма, џамгэхэрт тарця ни хаю". Пуна хар"на" газетана" џадимя" мальүгана Хабэча Яунгадхад намдавы" табекуни манзаяханани таралңгасеты". «Няръяна Ѓэрм»' сехэреда ямб, иле"мяда џарка. Тад нерня' џани џока" по" тяха' тарця џэя. Падувндадамда" џобңгэв' хомбида".

Афанасий Тэсида – ненэй ненэцие" блогер

– «Няръяна Ѓэрм» газетава" илна" ямбан' маня" вадыр"канана" хэвханана" мэ. Тикым' тамна нисянана" ня"амбидонзь. Ёавна газетаханана" ириени нямна падвым' ходамзь. Тикы' пуд етри' газетами толабаван' харвав. Ихинани ненэй ненэцяңэ яханана" я' сяр' ниня тарця падарна" таява џули" пои. Редакциянда" тер' сидна" майбтамба тамна варемдо' мэ"ңая". Сидда" толабива", ханзер" паднавамда", ханямна ядэрмамда" маниева".



Марина Ярој' няби Анна Яптик' ма"лавы"

Газета
«Няръяна НГЭРМ»Главный редактор
Яр Марина
ТэтакучевнаГЕНЕРАЛЬНЫЙ ДИРЕКТОР
АНО «ЯМАЛ-МЕДИА»
Зулинова Марья Андреевна№ 16 Подписано в печать 16.04.2026 г.
Вышла в свет 18.04.2026 г.
По графику: 16.00, фактически: 16.00.ПОДПИСНЫЕ ИНДЕКСЫ:
на год – ПА701,
на полугодие – ПР562.Учредитель – департамент внутренней политики ЯНАО
(629008, ЯНАО, г. Салехард, пр-кт Молодёжи, д. 9, каб. 708).Издатель – департамент внутренней политики ЯНАО (629008, ЯНАО,
г. Салехард, пр-кт Молодёжи, д. 9, каб. 708)Газета зарегистрирована – Управлением Федеральной службы по надзору в сфере
связи, информационных технологий и массовых коммуникаций по Тюменской
области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559Тираж 3600 экз.
Заказ № 121 тз (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнуныяца, д. 1, каб. 106Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнуныяца,
д. 1, каб. 106
тел. +7 (349 22) 4-53-32

E-mail: nn@yamal-media.ru